

امور تحریریه ایچون فؤاد بکه
وامور اداره ایچون آرتین افندییه
مراجعت اولنور.



مسلکمزہ موافق آثار قبول اولنور.
درج اولمایان اوراق اعاده اولماز.

معارف

اداره خانه سی باب عالی جاده سنده
۵۲ نومرولی « شرکت مرتبیه »
مطبعه سیدر.



استانبول ایچون سنه لکی مطبعه دن
آلنق شرطیله ۴۰ طشره لره پوسته
اجرتیله برابر ۶۰ غروشدرد.

نسخه سی ۱ غروش

پنجشنبه کونلری نشر اولنور ادبی، فنی و صناعی غزته در


نسخه سی ۱ غروش

﴿آلت تخلص﴾

آمریکا هنرورانیدن بر ذات بوکره
اختراع ایتش اولدینی آلت مخصوصه ایله
اینای نوعه ابراز خدمت ایله مشدر. بو آلت،
حریق وقوعنده اینیه دروننده قالانلرک
نچرملردن، داملردن اصلا مخاطره معروض
اولقسزین، کندیلرینی آتیه یلک ایچون ایپدن
اورولش قفسلی ومدور برشیدر. یکریمی
درت کشی بونی طومقده اولدینی حالده
حریق ظهور ایدن خانه نك مثلاً اوست
قاتنده قالمش اولان بر شخص کندینی اورادن
بونک ایچنه آتیه یلمکه وایپلرک حائل الاستیقیت
اولسننه مینی نه قدر یوکسکدن اولورسه
اولسون دوشه چک شخصک هیچ بر طرفی
اینچمه مکده ایتش.

﴿باستوندن لامبه﴾

اوروپا هنروراننک باستونلر دروننده
اسکمله، شمسیه، تفنک وسائر کبی بر چوق
شینلر صیقشیدر دقلری کورولوب ایشیدلیدیکی
مثلاً بوکرده بر لامبه صیقشیدر لدینی فنی
غزته لردن برنده مطالعه کدارمز اولمشدر :
بو قبیل باستونلرک ال طوته جق تپه سنک
آلتنه بر لامبه یرلشدیریلوب حین اقتضاده
اشعال ایدلمکده وبوصورتله هم باستون همده
لامبه خدمتی ایفا ایتدیرلمکده ایتش.



﴿بنغازی﴾

طرابلس غرب فرقه عسکریه سنه منسوب
مستمدان ضابطان عسکریدن بر ذاتک «بنغازی»
سنجاغناک احوال جغرافیه وعادات محلیه سنه دائر قله
آله رقی رساله مزه اهدا ایتدیکری مقاله فواید اساله
ممالک عثمانیه جغرافیاسنه مراق اولانلر ایچون موجب
استفاده کوروله سنه مینی بو نسخه مزدن اعتباراً
درجه ابتدار قلمشدر :

بنغازی نامی «بنی الغازی» ترکیبندن
مخففدر. بو قطعه نك اسم عتیقی «بره نيس»
اولوب اسکي یونانیلر ورومالیلر جغرافیونی
«سیره ناتیق» تعبیر ایدرلردی. بنغازی سنجاغنی
آفریقا قطعه سنک شمالنده واقع و شمالاً بحر
سفید یا خود بحر متوسط؛ جنوباً صحرای
کیرله؛ غرباً کبریت کورفزیله محاط ومحدود
اولوب مرکز لوا اولان «بنغازی» قصبه سی
ساحل بچرده و طرابلس غربک ایکوز قرق
ایکی ساعت مسافه شرقیسنده اوتوز ایکی
درجه عرض شمالی ایله اون یدی درجه
طول شرقیده مبنیدر.

بنغازی وحوالیسی تاریخ هجرینک
یکرمی برنجی سنه سنده عقبه بن نافع فهری
یدیلده حوزه اسلامیانه ادخال ایدلش وبعده
خلفای عباسیه تابع اولوق اوزره آفریقاده
حکم سورن دولتلردن بنی طولونک، بنی
اغلیلرک، فاطمیلرک، ایوبیلرک اله کچرک
نهایت افریقای شمالی سواحلنده اسپانیوللرک
وجنوزلرک تجاوزاتنه قارشو ابراز
شجاعت ایتش واسپانیالیلرله برابر سائر
آوروپا دولتلرینه کندینی طامتش ودولت
عثمانیه نك حمایه سی التنده اوله رقی جزایرده
حکم سورمش اولان بارباروس خیرالدین
پاشا طرفندن فتح اوله رقی مؤخرأ طرابلس
غربله برابر دوغروندن دوغروییه تحت اداره
عثمانیه آلمشدر.

بنغازی سنجاغنی درنه، مبرح، اوجله،

بومبا قضاالریله براعصه، جداییه، سلوک،
قنیس، برسیس ناحیه لرینه منقسمدر. نواحی
مذکورهنک قراسی اولیوب اهالیسی کاملاً
خیمه نشین درلر.

نفس بنغازیده تخمیناً اون بیک نفوس
تمکن اولوب قسم اعظمی مسلم وبره مقداری
یهودیدر. اهل اسلامک جمله سی مالکی المذهب
ومتدیندرلر... بونلر اخلاق واطوار جه عرب
اهالیدن فرقلی اولیوب ینلرنده سویله ککری
بربری لسانندن بشقه لسان عربی ایله ده
متکلمدرلر. یهودیلرک دخی لسان ادبی
ومذهبیسی عربیدر. اهالیسی عمومیت اوزره
عصبی وصفرائی المزاج، قوتلی، بویلی وجسور
آدملر اولوب یاز وقیش احرام وبورنوس
کیرلر. قصبه دروننده طقوز محله، مع مساجد
یکرمی التی جامع شریف، طقوز زاویه،
ایکی بیک درتیوز اون طقوز خانه، بیک
یوز اللی بش مغازه ودکان، بر بدستان،
اوتوز اکمک فرونی، کارگیر بر باب قاتولک
کلیساسیله بر حورا و دول معظمندن
بعضلرینک قونسولوسخانه لری ولیمان آغزنده
اطرافی سور ایله محاط وایام مخصوصه ده
بایراق رکزیله طوپ انداخت ایدیلور برقلعه
واردر.

قلعه دروننده حکومت قوناغی
وبرقار ومتفرق محلاتده اوچ قره غول خانه
برحام وبرر باب رشديه وابتدائییه مکاتبی
ایله ساحل بچرده خراب اولمش بریل
دکرمی موجوددر. مملکتک جنوب
شرقیسنده جسیم بر خان وساحل بچرده
بخارله متحرک بردقیق فابریقه سی ومکملجه
برباب بلدییه اجزاخانه سی بولمقده در. قصبه
جوارنده کی محله پک زکیندر. بنغازی
ساحلنده بولنان لیان مرور زمانله خراب
اوله رقی قومله طولمش وبناء علیه یالکک
کوچک کیلرک دخولنه مساعد بولمش
اولدیفندن آمدشد ایدن واپورلر آچیقارده

لنکر انداز اولور لر . هله موسم شتاده ، فورطنه لی هوارده دریاده بر قاچ کونلر کشت و کنار ایللری معاملات تجاریه جه کلی مضرت باعث اولمسیله اوچ سنه دن بری لیان انشاسنه اهتمام اولمقده و ختامنده قصه بنک اهمیت تجاریه سی بر حیات تازه بوله جنی قویاً امید ایدلمکده در .

یرلی محصولات کایم و احرام کبی یوک منسو جاتندن عبارتدر .

اخراجاتی دری ، پیانی ، کوك بویا ، ساده یانی ، قویون ، اینک ایله خارجدن یعنی وودای جهتندن کتیریلوب ممالک سائریه کوندریلان فیل دیشی و آوروپا نسواننک تزینات مقامنده استعمال ایتدکلی دوه قوشی توپلرندن عبارتدر . ملحدن بر خیلی طوز استحصال و سواحله کیمیلره سنوی ایکی میلیون فرانقلق سونکر صید اولنور .

سنجاغک معمور ویا قابل عمران یرلری ساحلرله سواحله قریب اولان یرلری اولوب ایچری طرفلری چولدر . اراضینک قوه انبانیه سی فوق العاده در . برحاله که حبوبات زرعی ایچون اوزون اوزادی به چیفت سوره که حاجت بیله کورمزلر .

مع مافیه یاغمور نادراً یاغدیغندن بو حواله لیده ایکی اوچ سنه ده بر کره قوراقلقدن ذخائرجه قحط و غلا حاصل اولور . حتی کچن بیک اوچیزیدی سنه سنه و قوعبولان قوراقلق دخی بو نتیجه یی استلزام ایتمش ایسده جناب حق مددرسان بیچارکان اولان پادشاه مراهپور و شهنشاه عدالت کستر افندیز حضرتلرینی الی یوم القیام اریکه پیرای عز و شان بیورسون آمین ، درجاتی واصل سمع تأثر جناب ظل اللهیلری بیورلمسی اوزرینه درحال در سعادندن و محال سائرهدن کوندریلان دقیق و شعیردن محتاجینه مناسب مقدار توزیع ایدلمک صورتیه تخفیف آلام و احتیاجلری چاره سی استکمال ایدلمش و سنه آتیده دخی

نافع باران نزول ایتمسیله عربان و اهالی تخم امککه و چفت سورمکه مباشرت و جناب حق کرم و احسانی ایله اوچیز طقوزده جزئی تخمدن پک چوق استفاده ایتمشلردر . اقلیم و هواسی . — بنغازی شمال روزکارلرینه معروض بولدیغندن قیشین براز سرین ایسده هواسی غایت صاغلامدر و اراضیسی اکثر محصولاتک حصوله مسا . عدد . شتاده درجه حرارت فوق الصفر سکر طقوز و موسم صیفده صیجاغک زیاده شدتلی زمانلرنده درجه حرارت کولکده اوتوز اوچ اوتوز درتدر . هبوب ایدن روز . کارلر شرقی ، شرق جنوبی (قبله) تعمیر اولوب غربی و بحر بدر . یازین بحری اسدیکی زمانده حیاجشادر . قبله دینان روزکار یازین غایت صیحاغ و رطوبتدن آزاده اولدیغی ایچون یاپراق و کاغد کبی شیلر آتسه کوسترلمش کبی محوری اوزرینه قیوریلیر . بوزمانده اوطه لک پنجره و قپولری قپالی اولدیغی حالده درونلری سرین ؛ دستی و کوپلرده کی صولر صوغوق اولور . بوروزکار موسم شتاده بالعکس اونسبتده صوغوق اسر . کذلک قیشین غربی اسدیکی وقت اکثری یاغمور کتیر .

معارف — اهالیدن بعضلری یالکر تعلیم قرآن ایچون چوققلرینی مکتبه کوندرلر . بوراده علی الاکثر جوامع شریفه نک رواقلری مکتب اتخاذا اولمشلدر . اوتوردقلری محل دخی بلا واسطه طور اقدر .

تجارت محلیه کراید ، طرابلس ، مالطه و اسکندریه ایله و بورالک اهالیسی معرفتیه اجرا اولنور .

احوال طبیه — نفس بنغازیده هر مرضک سیر و مدتیله نقاهتی بلاد سائرهدن ده سوره کلیدر . موسم صیفده کوز و باغی صاق التهابلری عمومیتیه صورت مستولیده و شتاده زکام ، ذات الرئه ، ذات الجنب وایلك بهارده

التهاب نکضه یعنی قبا قولاق وذات الفم حکمفرمادر . بوراده غلغلی عصبیه دخی کثرتله مشاهده قلمقده ایسده علت درنیه ندرتله تصادف ایدلمسی شایان دقتدر .

عربانک معیشتلری باشلوجه ارپه اونیه باغ و خرما ایله سوددن عبارتدر . اهالی بلده دخی بهاراتلی لحوم ایله قاریشیق فوصقوص ، شخصه ، آسیده و فطیره نامیه معروف یکنکارله تغدی ایدرلر .

(مابعدی وار)

یکی کتابلر

سیر ابراهیم

علی نبینا وعلیه السلام

ساقزلی سلیمان نجمی افندی طرفندن بالاده کی نام ایله قله النوب بوکره ساحه مطبوعاتی تزین ایدن رساله فواید اساله دن بر نسخه سی منظور من اولمشدر . رساله مذکوره استمدن ده استدلال اولدیغی وجهله انبیاء عظامدن « ابراهیم » علیه السلامک ولادت علیه لرندن ارتحال داربقا بیوردقلری زمانه قدر سیر سنیلرینی حاوی اولوب غایت لطیف بر طرزده یازلمش اولدیغندن کنج محررینی تبریک ایله برابر ارباب عرفانک برر دانه ایدیملرینی توصیه ایتیمی وظیفه قدر شناسیدن عد ایله دک .

